



UNIVERSITÄTS-
BIBLIOTHEK
PADERBORN

Universitätsbibliothek Paderborn

Lignvm Vitae, Ornamentum, & Decus Ecclesiae

In Qvinque Libros Divisvm. In quibus, Totius Sanctiss. Religionis Divi Benedicti initia; Viri Dignitate, Doctrina, Sanctitate, ac Principatu clari describuntur: & Fructus qui per eos S. R. E. accesserunt, fuissimè explicantur

Wion, Arnold

Venetiis, 1595

De aliis Pontificibus, qui Monachi fuisse referuntur, dubia tamen fide. cap.
III.

urn:nbn:de:hbz:466:1-38372

De alijs Pontificibus, qui Monachi fuisse referuntur, du-
bia tamen fide. Cap. III.

S. BENEDICTVS I.

BENEDICTVS Bonofus, Bonifacij filius, Roma-
nus, ex Monacho Summus Pontifex 16. calend.
Iunii, Anno Christi 577. Indictio. 10. creatus: fe-
dit An. 4. menses 2. dies 15. Ordinatione vna men-
se Decembri creauit Episcopos 21. Presbyteros
15. & Diaconos 3. Obijt pridie calendæ Augusti,
Anno Christi 580. Indictio. 13. & in Secretario Diui Petri sepultus
est. Vacauit sedes menses 4. Scripsit Epistolam vnam satis prolixam
ad Dauidem Episcopum, de sancta Trinitate, quæ excusa est in To-
mo I. Epist. Decretalium, Romæ, anno 1591 in folio.

*Hieronymus Plata de bono statibus religiosi, lib. 2. cap. 28. & Donus
Augustinus Florentinus Monachus Camaldulensis, hist. Camald. lib. 1. a
cap. 14. ex Collectorio Raymundi Hispani Monachi, libri Cathedre Pon-
tificie auctoris, huius Pontificis Monachatum adnotatum habent. Con-
firmatur eorum auctoritas pictura ante annos centum, id est anno 1480.
facta in claustro primo Monasterij nostri S. Benedicti, quod vulgo clau-
strum S. Symeonis appellatur, in quo hic Pontifex in habitu Monachi
depictus cernitur, cum hac inscriptione; Benedictus Primus, ex Mona-
cho, Seruus Seruorum Dei electus & uocatus.*

S. PELAGIVS I.

S. PELAGIVS II. Vinigildi filius; Romanus, ex Monacho
quarto vacantis sedis mense, pridie calendæ Decembris, Anno
Christi 580. Indict. 13. Sancto Benedicto surrogatus, eius vices egit,
Annos 10. mens. 2. dies 10. Quo tempore ordinationibus duabus
mense Decembri, fecit Episcopos 48. Presbyteros 28. & Diaco-
nos 8. bonisque operibus plenus mortuus est, die 6. Idus Februarij,
Anno Christi 591. Indictione 9. sepulturam habuit apud sanctum
Petrum; & vacauit sedes, menses 6. dies 24. Scripsit Epistolas De-
cretales quinque: quæ excusæ sunt in Tomo I. Epist. Decreta-
lium, supracitato.

ANNOTATIO.

*Auctores supracitati Monachismum eius attestantur, & Plata e-
quidem verba hæc sunt. Pelagium quoque I I. cum, cuius Gregorius
alumnus*

alumnus & successor fuit, ex Monastico ordine processisse tradunt, tum alij auctores, tum eius libri auctor, qui Cathedra Pontificalis inscribitur, in quo Pontificum series diligenter textitur. *Reliqua ex Panino desumpta.*

S. BENEDICTVS II.

S. BENEDICTVS IUNIOR II. Ioannis filius, Romanus, ex Monacho Romano, incerti tamen Monasterij, Petri successor, Anno Domini 684. die 13. calendas Iulii pronunciatus, præfuit in omni sanctitate mensibus 10. & diebus 27. & omnibus carus & acceptus decessit ipsis Idibus Maii, anno 685. ad S. Petrum sepultus. Vacauit sedes eo mortuo, menses 2. & dies 9.

ANNOTATIO.

Hieronymus Plata de bono stat. relig. lib. 2. cap. 28. ex collectorio Raymundi Monachi Hispani, quem & citat Bugianus, colloquio primo hist. Monastica, huius Monachatum diligenter annotat, eiusq; opinio fulciri videtur auctoritatibus Platina, Jacobi Philippi Bergom. lib. 10. Supplem. Chron. & aliorum nonnullorum, asserentium hunc Benedictum Romæ ab ineunte ætate Deo militare cepisse, necnon doctrina, & exercitatione rerum Diuinarum in tantum excelluisse, vt obinde admirabilis, & singularis ab omnibus haberetur. Verbum autem Militare, vt plurimum (scimus enim & aliter accipi posse) in rebus sacris accipi solet pro obsequio, quod Deo offertur in cænobijs sub obseruatione alicuius Regule, vt videre est in Regula S. P. N. Benedicti, cap. 58. Ecce lex sub qua militare vis: & cap. 61. Et quia in omni loco uni Domino seruitur, uni regi militatur.

S. SERGIVS I.

S. SERGIVS, Tiberii filius Antiochenus Syrus, Panhormi in Sicilia ortus, ex Monacho S. R. E. Presbyter Cardinalis T. S. Susannæ ad duas domos à Cunone Papa factus, deinde, Pontifex Maximus creatus, Anno 687. die 16. calen. Ianuarii, consecratus verò die Natalis Domini 3. sedit annos 13. menses 8. dies 23. ordinationibus duabus mense Martio fecit Episcopos 16. Presbyteros 18. & Diaconos 4. Obiit 6. Idus Septembris, Anno Domini 701. & sepultus est ad S. Petrum.

ANNOTATIO.

Monachum fuisse testatur Bugianus in Colloquio primo ex Chronica sua antiqua, quem sequitur Illescas lib. 6. c. 30. in repetitione nominum Pontificum Ordinis Monastici, at in corpore libri vitam eiusdem Pontificis describens, nihil simile de eo loquitur, nec quicquam de eius Monacha-

tu adfert. In pictura Clauſtri S. Benedicti Mantuani in habitu Monachali viſitur cum eius nomine ſubſcripto, ſed Elogium illi appoſitum ex ueritate periit. Præter hos legi neminem qui de eius Monachismo nec uerbum quidem adferat, & ideo eius fides apud præfatos auctores remaneat.

S. IOANNES VI.

S. IOANNES VI. Græcus, ex Monacho, Pontifex creatus, anno 701. in locum Sergii ipſis calendis Nouembris, & conſecratus 8. Idus eiufdem, ſedit annos 3. meſes 2. dies 13. ordinatione unica creauit Episcopos 15. Presbyteros 9. & Diaconos 11. Obiit (ut nonnulli aiunt) martyrio, anno 705. ſepultus ad S. Petrum.

ANNOTATIO.

Bugianus ex Raimundo, quem ſequitur Illeſcas lib. 6. c. 30. in Recapitulatione Pontificum, eius Monachismi auctores ſunt. Depictus eſt in Clauſtro Mantuano, cum hoc Elogio ſibi, & alijs duobus commune: Gregorius Magnus, Hilarius I. Ioannes VI. tam magni uirtute, quàm doctrina clari, ex Monachiſtice Religionis profeſſione ad ſublime Flaminij faſtigium prouecti. Tritemius tamen lib. 4. c. 20. omnino Monachum fuiſſe pernegat, quem & nos libenter ſequimur, cum eius rei teſtes fatiſ probabiles non exiſtent.

S. GREGORIUS III.

S. GREGORIUS III. Ioannis filius, Syrus, ex Monacho, & S. R. E. Presbytero Cardinale, die 14. calendis Aprilis Papa creatus, octauo calendis eiufdem conſecratus eſt, Anno Chriſti 731. Indictio. 14. & tribus ordinationibus, meſe Decembri celebratis, in quibus Episcopos 80. Presbyteros 24. & Diaconos 3. creauit, obiit die 4. calendis Decembris, Anno Chriſti 741. Indictio. 9. cum ſediſſet, An. 10. meſes 8. dies 10. Sepultus ad S. Petrum. Vacauit ſedes, dies 8. Scripſit ad Leonem & Conſtantinum Imperatores; Comminatorium, lib. 1. Ad eorſdem, lib. 1. Contra eorſdem, lib. 1. Episto- larum, lib. 1. quarum quinque reperiuntur in Tomo 2. Episto- larum Decretalium ſupracitato. Scripſit & ad Urfum Ducem Venetorum Epistolam unam, cuius exemplar extat apud Sabellicum Enneadis 8. libro 7.

ANNOTATIO.

Petrus Bugianus colloquio primo hiſt. Mon. & Plata lib. 2. cap. 28. ut ſupra diximus ex Raimundo Monacho Hiſpano Cathedre Pontificaliſ auctore huius Monachatum ſcriptis ſuis inſeruerunt. Si qui ſint alij, præter Illeſcam, lib. 4. cap. 27. nullum uidi.

S. LEO

S. LEO III.

S. LEO III. Azuppij filius Romanus, ex Monacho S. R. E. Presbyter Cardinalis T. S. Susanna, & postmodum Pontifex creatus 7. calen. Ianuarii, anno 796. die obitus Adriani Papæ, consecrationem accepit die sequenti, seditque annos 20. menses 3. dies 18. ordinationes tres habuit mense Martio, in quibus Episcopos 126. Presbyteros 30. & Diaconos 11. creauit. Obiit pridie Idus Iunii, anno 816. & sepultus est ad S. Petrum. Vacauit sedes, dies 20.

ANNOTATIO.

Bugianus solus ex Cathedra Pontificia huius Monachatum probat: videtur tamen & in Claustro depictus, ut ex eius nomine quod ibidem legitur liquet, at elogium uetustate corrui. Ille scas etiam in recapitulatione eius meminit, at in corpore libri de eo silet. Lector quod uelit sequatur, non enim uolumus obtrudere, quod probare nequimus.

S. VALENTINVS.

S. VALENTINVS, Leontii filius Romanus, ex Monacho S. R. E. Archidiaconus Cardinalis, à Paschali Papa factus, eidem mediately succedere meruit, anno 827. die 19. cal. Ianuarij, & consecratus est die sequenti. Sedit mensem 1. & dies 10. obiit 11. cal. Februarij, anno 828. & sepultus est in S. Petro. Vacauit sedes dies 3.

ANNOTATIO.

Bugianus, ex sua Cathedra, & Chronica antiqua, cui suffragatur Ille scas lib. 4. c. 31. Monachū fuisse asserit. Consentit et pictura Mantuana, ubi depictus cernitur cū hoc elogio: Valentinus I. Damafus I. Anastasius III. ex humili Monachorū uita, ad Summū Pontificij apicem dignè electi, & merito asciti. Scribitur fuisse discipulus S. Paschalis I. Papæ, quod coniecturam magnā parit, eum aliquando fuisse Monachum.

GREGORIUS VIII.

GREGORIUS VIII. Albertus antea uocatus natione Samnis, patria Beneuetanus, familia de Mora, nobili & honorata ortus, ex Monacho, a Papa Adriano III. S. R. E. Diaconus Card. S. Susanna, mox Presbyter S. Laurēti in Lucina; deinde Cancellarius: postremò Pontifex Max. creatus Ferrariæ, anno 1187. die 4. cal. Nouembris, sedit mensem 1. dies 27. Obiit eodem anno 8. cal. Ianuarii Pisis in Tuscia, & ibidem in cathedrali sepultus est. Vacauit sedes dies 8.

ANNOTATIO.

Bugianus ex Cathedra, & Cronica antiqua, & Ille scas lib. 5. c. 29. eius Monachatus meminerunt, qui cum valde nobis suspectus sit, quod nullus alius simile quid asserat, Lectoris arbitrio relinquimus.